

西安府志

第八冊

蘇子舟

PDG

西安府志卷第十四

食貨志中

積貯

屯運

積貯

和糴附

漢

高祖紀七年二月蕭何治未央宮立太倉

黃圖長安西渭北石徼西有細柳倉東有嘉倉

食貨志建元中漢興七十餘年太倉之粟陳陳相因充溢
露積于外居官者以爲姓號注貨殖傳倉氏庾氏是也

宣帝紀本始四年正月詔丞相以下至都官令丞入穀輸
長安倉助貸貧民

食貨志五鳳中歲數豐穰穀至石五錢農人少利大司農

中丞耿壽昌奏言故事歲漕關東穀四百萬斛以給京師用卒六萬人宜糴三輔宏農河東上黨太原郡穀足供京師可以省關東漕卒過半天子從其計壽昌白令邊郡皆築倉以穀賤時增其價而糴以利農穀貴時減價而糴以贍貧民名曰常平倉民便之下詔賜壽昌爵關內侯

隋

食貨志開皇三年以京師倉廩虛于河西勸百姓立堡營田積穀京師置常平監

唐

會要永徽六年京東西二市置常平倉

六典開元二年渭南置倉

楊慎矜傳慎矜主長安倉

文獻通考開元七年敕開內道置常平倉

百官志開元十九年以監察御史莅太倉其後以殿中侍御史上一人爲監太倉使

六典注開元二十四年于京城內大置常平倉

食貨志開元二十五年牛仙客爲相有彭果者獻策廣開輔之糴京師糧廩益羨

文獻通考天寶八載和糴米數太倉七萬一千二百七十石常平倉三十七萬三千五百七石

食貨志歲以錢六十萬緡賦諸道和糴斗增三錢每歲短遞輸京倉者百餘萬斛米賤則少府加估而糴貴則賤價

而糴

名臣奏議建中初京兆府應徵地稅草數至一千萬束陸
贇論狀別和帑草五百萬以充貯備

狀詳藝文

冊府元龜貞元二年十月度支奏京兆等州府秋夏兩稅

青苗等物悉折糴粟麥所在儲積以備軍食京兆兼給錢
收糴每斗於時估外更加十錢納於太倉詔可其奏自是
每歲行之贍軍十一月度支奏請於京兆府折明年夏秋
稅錢二十二萬四千貫文又請度支給錢添成四十萬貫
令京兆府今年內收糴粟麥五十萬石以備軍食從之

文獻通考貞元四年詔京兆府于時價外加估和糴差清

強官先給價直然後貯納續令所司自搬運載至太倉並

差御史訪察有違勅文當重科貶先是京畿和糴多被剋配或物估踰於時價或先歛而後給直追集停擁百姓苦之及聞是詔皆忻便樂輸

食貨志貞元初吐蕃劫盟諸道兵十七萬戍邊月給粟十七萬斛皆糴於關中八年宰相陸贄以關中穀賤請和糴可至百餘萬斛計諸縣船車至太倉穀價四十有餘米價七十則一年和糴之數當轉運之二年一斗轉運之資當和糴之五斗減轉運以實邊儲存轉運以備時要江淮米至河陰者罷八十萬斛河陰米至太原倉者罷五十萬太原米至東渭橋者罷二十萬以所減米糴江淮水災州縣斗減時五十以救之京城東渭橋之糴斗增時三十以利

農以江淮糴米及減運直市絹帛送上都帝乃命度支增估糴粟三十三萬斛然不能盡用贊議

冊府元龜貞元十六年十月勅京兆府今年和糴粟一百萬數內宜減三十萬

食貨志永貞元年李巽爲諸道轉運鹽鐵使自劉晏後江淮米至渭橋寢減至巽乃復之李巽傳巽蒞職一年較所入如晏最多之年明年過之又明年增百八十萬緡

食貨志憲宗卽位初有司以歲豐熟請畿內和糴當時府縣配戶督限有稽違則迫蹙鞭撻甚於稅賦號爲和糴其實害民

名臣奏議元和中白居易論和糴狀曰以臣所觀若有司

出錢開場自糴比於時價稍有優饒利之誘人人必情願
且本請和糴只圖利人人若有利自然願來利害之間可
以此辨必不得已則不如折糴折糴者折青苗稅錢使納
斛斗免令賤糴別納現錢況度支比來所支和糴價錢多
是雜色匹段百姓又須轉賣然後將納稅錢至於給付不
免侵偷貨易不免折損所失過本其弊可知今若折量稅
錢使納斛斗既無賤糴麥粟之費又無轉賣匹段之勞利
歸于人美歸于上由是而論則配戶不如開場和糴不如
折糴亦甚明矣

會要元和九年詔出太倉粟九十萬石開六場糴之

冊府元龜開成元年閏五月帝御紫宸殿謂宰相曰京兆

府請開場收麥何如鄭覃曰不強其所不欲加價收糴人自樂輸

冊府元龜大中六年六月勅禁斷京兆北所一入京如聞百姓多端以麵造麴入城貿易所費亦多宜所在嚴加覺察不得容許

宋

食貨志景德三年陝西立常平倉政和元年建四都倉西安曰裕邊

金

章宗紀明昌三年十二月勅京兆櫟陽縣置粟邑鎮倉設倉草都監一人領之

元

文宗紀天歷二年奉元路命所在官置常平倉

明

會典正統五年三月鎮守陝西都督同知鄭銘奏西安府倉貯糧二十二萬四千九百六十石有奇河南等府又輸綿布二十五萬請令所司增置倉房從之

本朝

資政錄長安縣常平倉原額貯京斗穀七萬五千石又添貯府倉京斗穀一萬三千五百六十三石社倉十九所共貯本息京斗穀三萬七千五百九十八石八斗二升二合四勺

資政錄咸寧縣常平倉原額貯京斗穀七萬五千石又添
貯府倉京斗穀一萬一千三百一十八石四升 社倉三
十所共貯本息京斗穀三萬三千二百二十九石二斗七
升四合二勺

資政錄咸陽縣常平倉原額貯京斗穀五萬石又添貯府
倉京斗穀八千石 社倉十五所共貯本息京斗穀一萬
九千四十八石六斗六升五合八勺

資政錄興平縣常平倉原額貯京斗穀四萬五千石又添
貯府倉京斗穀四千石 社倉十一所共貯本息京斗穀
九千八百三石九斗二升三合八勺

資政錄臨潼縣常平倉原額貯京斗穀五萬石又添貯府

倉京斗穀六千石 社倉十九所共貯本息京斗穀二萬一千八百六十二石三斗三升五合五勺

資政錄藍田縣常平倉原額貯京斗穀四萬石又添貯府倉京斗穀四千石 社倉八所共貯本息京斗穀一萬三千八百五十七石三斗三升五合一勺

資政錄涇陽縣常平倉原額貯京斗穀四萬石 社倉十四所共貯本息京斗穀一萬四千九百二石三斗九升九合八勺

資政錄三原縣常平倉原額貯京斗穀四萬五千石又添貯府倉京斗穀四千石 社倉十所共貯本息京斗穀一萬五百七十九石四升六合二勺

資政錄高陵縣常平倉原額貯京斗穀三萬石又添貯府倉京斗穀一千二百石 社倉六所共貯本息京斗穀八千六百二十九石六斗九合四勺

資政錄鄠縣常平倉原額貯京斗穀四萬石又添貯府倉京斗穀五千石 社倉十四所共貯本息京斗穀一萬三千二百二十六石一升二合四勺

資政錄藍屋縣常平倉原額貯京斗穀五萬石又添貯府倉京斗穀四千石 社倉十三所共貯本息京斗穀二萬一千三百五十二石五斗五升九合

資政錄渭南縣常平倉原額貯京斗穀五萬石又添貯府倉京斗穀六千石 社倉十三所共貯本息京斗穀一萬

八千三百六十石四斗六升七合五勺

資政錄富平縣常平倉原額貯京斗穀五萬石又添貯府倉京斗穀四千石 社倉十一所共貯本息京斗穀八千三百九十一石六斗二升七合八勺

資政錄醴泉縣常平倉原額貯京斗穀四萬石又添貯府倉京斗穀六千一百一十八石九斗六升二勺 社倉九所共貯本息京斗穀六千七百七十四石八斗五升六合八勺

資政錄同官縣常平倉原額貯京斗穀八千石又添貯府倉京斗穀二千八百石 社倉六所共貯本息京斗穀六千四百八十六石五斗二合三勺

資政錄耀州常平倉原額貯京斗穀三萬石 社倉十一
所共貯本息京斗穀一萬一千二百四十一石三斗四升
六合

按西安十六州縣據乾隆四十二年冊報常平倉糧共
額貯京斗穀七十一萬八千石又添貯府倉京斗穀八
萬石有奇社倉共二百九所貯本息京斗穀二十五萬
五千三百四十四石七斗八升三合常平每歲呈請藩
司動項買貯以時糴糶社倉則民間自爲捐置者也

屯田

後漢

文獻通考永建四年僕射虞詡疏雍州厥田惟上且沃野

千里穀稼殷積夫棄沃壤之饒損自然之財不可謂利書
奏帝乃復三郡激河浚渠爲屯田省內郡費計歲一億

晉

扶風王駿傳武帝初駿爲鎮西將軍都督雍梁等州勸督
農桑與士卒分役已及僚佐並將帥兵士等人限田十畝
具以表聞

宋

仁宗紀慶歷元年九月置陝西營田務

文獻通考慶歷間范仲淹大興屯田于陝西

金

宣宗紀元光元年正月詔徙中京唐鄧商號許陝等州屯

西夏府志卷十四
軍赴京兆就糧屯

元

續文獻通考初海內旣一行省皆立屯田以資軍餉地理志渭南屯田一千二百二十二頃有奇臨潼涇陽各屯田一千二十頃有奇蓋屋屯田九百四十三頃有奇

長安志圖說至元十一年立陝西河渠營田使司安置屯田世祖紀正月以安西王府所管編民二千戶立櫟陽涇陽終南渭南屯田十五年十二月鴨池等處招討使欽察所領南征新軍不能自贍者千人命屯田於京兆十八年十月命安西王府協濟戶及南山隘口軍於安西等處屯田增陝西營田糧十萬石